

10 8  
MAXIMILIANI MVRENAE

PRAEPECTI REI MARITIMAE

V I T A



**S**I quæ sunt amicitiæ vires, eae profecto sunt; quibus, ultra cineres manesque sepultos, amici nomen cordi infideat, in ore vigeat, monumento per nos aliquo in posterum perennes. Exinde factum est, Angeli optime, ut hujusmodi breve Commentarium ederem, in quo: quidquid laudis commendationisque debitum Maximil. Murenæ nomini reret, pro virili conarer adscribere. Atque, o. utinam! quod a me valde expectatum est, alii fecissent, vel Tute ipse procurasset; si per incredibilem animi agitudine, quam in Amici benemerentissimi morte conceperas, perque muneris tui quam operosissimi molestias licuisset; ut justo laudatore non egeret adhuc vir eximius, atque omni tempore celebrandus. Hoc vero ipsum in causa fuit, cur ad te potius, quam ad alium quemquam de Murenæ amicis illud mitterem, ut excusare, ac tueri ab invidorum morfu, cum ipso scriptore, valeres. Nam ego, quantum in me est, nullam mihi laudem sumo (nec si qua est ulla bene, apereque dicendi); modo historici, atque amici benemerentis pro ratione partes adimpleam. Vale, meque, ut facis, ama; quandoquidem amicitia tua, ut hominis virtute præstantissimi, immortaliter gaudeo. Vale. VI. Kal. Nov. MDCCCLXXI.

Ma.

**M**Aximilianus, Ferdin. F. Murena Solofrae natus est an. circiter MDCCXXXII. Puer adhuc Neapolim, una cum fratre, nomine Io: Petro, ut literis operam daret, a patre deductus est. Is, ut accepimus, iuris erat peritissimus, vir antiqua fide, & moribus; nec nimis in liberos indulgens. Per triennium, ne in magno urbis strepitu, ignari quo se verterent, liberi urbanis mage vitiis abriperentur, quam virtutibus invitari possent; dux eis, & tutela esse voluit. Principio puer frequentissime objurgatus a patre, quod calidis esset animis, literisque non eam navaret diligentiam, qualem exemplo suo frater natu major praemonstrabat; repente adeo earum studio flagravit, tantoque animi impetu supra ingenii vires incubuit, ut excreatione cruenta primum laboraret. Quare statim ei patriam sedem repetere opus fuit ad nativum aërem respirandum; quo defatigati corporis, & animi vires reficeret, posthabitis omnino libris. Ibi demque, natura; quae monstrosa esse solet, plurimum juvante, quidquid venefici humoris sanguinem infecerat per insolentem tumorem sub dextra coxendice enatum, sponteque fatiscentem post annum diffuxit: ob eamque rem valetudine non solum sustentata, sed etiam prosperrima uti coepit, urbemque remigravit.

II. Ut autem ad literarum studia IV. aut V. ad usque annum aetatis suae supra X. retardatus fuerat; sic incitatio gradu ad eas magno haustu imbibendas se contulit. Florebat eo tempore urbs nostra omne genus disciplinis, cum Carolus, nunc Hispaniarum Rex Pius Felix Aug. positis modo armis, ad pacis artes restaurandas totum intendebat animum. Namque Academia, quam Re-

giorum studiorum universitatem dicunt, Caesetino Galiano antistite, qui eam nuper instaurarat, magnae famae viris apud exterarum etiam nationes praepollebat. Forum magistratibus sapientissimis, causarumque patronis disertissimis clarius explendescibat. Ars medica doctissimis antistat viris. Reliquae, item pictura, musice, poësis, sculptura praefertim, quae in aeneis tabulis effigies repraesentat; sive veterem receperant, sive novum acquisiverant nitorem. Novae sternebantur viae: villae Regiae ad aevitatem saeculorum extruebantur: theatra, pontes, portus: obrutae insuper urbes olim Vesevi egestionibus dissepeliiebantur: milites tum numero, tum sanctiori disciplina, cum etiam ducibus fortissimis aucti, iisque Mathematices peritissimis; ut quisque non ineptus homo in magnam spem augendi opes perinde, ac dignitatem suam se erigeret; atque ad grandia publici, privatiue splendoris exempla conderet.

III. Inter alios ea tempestate doctos viros eminebat Ant. Ienuensis in Theologicis scientiis magni quidem nominis, quem Murenarum fratres adierunt. Alter, ut sibi convenientes literas, quoniam sacris erat addictus; alter, ut naturae & gentium praecipue jus addiceret. Ex eo vero ad publicae Academiae praeceptores Maximil. transivit; quorum opera Rom. juris, ac municipalis doctrina institutus est. Denique, ubi primum aetas epheborum curis, ac servitute praeceptorum soluta majoris admodum studii, et laboris fuit capax, non urbanis munditiis unice intentus, ut plerisque usuvenit adolescentibus, tempus in urbe trivit; verum in Foro versari statim, et forensibus exercitationibus in consensu juvenum cultissimorum, demum optimi cujusdam viri

▼  
viri habito; quasi armorum ventilatione, caussarum patrocinio praeludere statuit. Neque ita suam in his curam locavit, ut actuosae vitae prorsus mancipatus contemplationi philosophiae tempus aliquod negaret. Noctu enim, diuque, si quid sciri dignum vel auribus accipere, vel cogitatione detegere ei contigisset, chartis illinire consuevit. Ita integrum ingenium adolescentis optimi inter artes bonas adolevit.

IV. Deinde, ut cum utilitate aliqua doctri, probatque viri, cujus insisteret vestigiis ad Fori doctrinam adipiscendam, exemplum sibi proponeret Iac. Castellum virum clariss. secutus est, qui non multo postea magistratu auctoratus est. Hic qualis, quotusque vir superiore aetate extiterit, etsi nostri norunt omnes, ii praesertim, a quibus humanae literae excoluntur, nil tamen adeo gravitatem, sapientiamque ejus ostendit, quam Caroli Reg. aestimatoris judicium. Quum enim constituto illo sacratione senatu ad novum legum codicem edendum (cujus a secretis erat Ios. Pasch. Cirillus juris supra omnes retro peritos peritissimus, idemque scriptor elegantissimus) e selectioribus Quinqueviris Castellum unum esse voluit. Qui, nescio quo fato, interceptus legum codex, prae omni alia hujusmodi rerum farragine in vulgus edita, doctorum, utinam, ad manus veniret! ut sapientissimorum hominum quidquid est ad publicam salutem excogitatum, jurisque municipalis ab antiquitate traditum uno in libro omnes, quod sparsum in multis erat, percurrerent. Ceterum domi hujus, docta cujus consuetudine vix facile dictu est, quantum ipse profecerit, quas noctes diei addere poterat, in naturalis Iurisprudentiae novo concipiendo systemate insumebat. Qua-

re

re incallescens ab initio pectus justitiae studio laetatione postea, meditatione, atque exemplis ad id opportunissimis incoctum tandem retulit.

V. Interea forensibus negotiis distineri, ubi non sine famae incremento verfabatur; sive de inter cives contentione libellos scriberet, sive perorationes in magno senatu haberet. Interdum, cum viri principes, maximeque advenae magni nominis ad videndas in iudiciis conflantium turbas, de mirandumque Fori strepitum, cum ipso iudiciorum ritu vere gravi, ac splendido adventarent, accidit, ut idem vocaretur ad dicendas ex tempore orationes in curia copiosas admodum, atque electantes: qui quidem usus nostros apud multa cum laude invaluit. Hujusmodi rei testes mihi sunt locupletes probatissimi quidem viri, iidemque Murenæ perorantis conjunctissimi. Quae tamen omnia; neque ei tempus adimere potuerunt; quominus *de Justitia naturali lib. III.* italica conceptos lingua; scriberet; eosque aliquot post annos typis vulgaret Simonianis an. nimirum MDCCCLX. In his, praeter quae de veterum, recentiorumque philosophorum doctrina corrasit, ac de juris Rom. fonte derivavit, illud praecipua laude dignum Ant. Ienuensis praedicare solebat, nova quadam ratione eum de principio, ut ajunt, Naturae legis differuisse.

VI. Sed antequam hujusmodi libros ederet, quod nitidissimis excudi formis curaverat, cum a politicorum statutis hausset tum gloriae aditum bono civi patere opportune, cum virtutis monumento aliquo Regi innotescere studeret; ideo per supplicem libellum exorare, ut illos Ferdinando Regi N. Pientiss. tunc puero, dantique operam literis politioribus, inscribi liceret. Praefidebat autem per id

id temporis rebus hñce primus a Consiliis Regis ,  
 atque a Secretis Bernardus Tanufius, vir utique li-  
 teratiffimus, cujus arbitrio res Neap. literaria fe-  
 re univerfa tranfigebatur. Hic, ne quid Regiae Ma-  
 jestatis indignum, ejus nomine in lucem prodiret,  
 ad trutinam antea revocandum quemque librum  
 cenfuerat a fummo, doctoque viro, ab eodemque  
 probandum. Quare ad Nicol. Fraggiannium, e Quin-  
 queviris fupremi fenatus, virum Celeberrimum,  
 fapientiaeque ad inftar factum, delatum eft hujus-  
 modi judicium, an ejus libros Regi fas efferet in-  
 feribi. Sed hic asperis perfaepe moribus in extrema  
 ætate erat; fortaffe, quia fortunae, prae meritis  
 fine dubio innumeris, iniquioris pertaeſus efferet.  
 Nihilofecius, ut libros non ſolum evolvit, ſed eti-  
 am ſedulo rimavit, revocatis, puto, in mentem  
 diſciplinis, quos Vindobonae adoleſcens ipſe, floren-  
 te tum divino Leibnitio, pertractaverat, ſcriptori  
 facillimum ſe praeſbuit. Praeterea laetatus eſt ma-  
 gnopere eum, ſi non ex omni terra Italia, certe  
 primum de noſtris naturalis Iuriſprudentiae vulga-  
 rem inſtituiſſe tractationem. Atque ita ad Regem  
 retulit tam magnifice de libris ipſis, tamque ho-  
 norifice de auctore; ut nil ſupra foret expe-  
 tendum. Verum ei venia a Tanuſio, poſt multas  
 in annum, quas hoc, illuc ſuſceperat concurſatio-  
 nes, denegata tandem fuit. Res haud memorabi-  
 lis per ſe, niſi documento fuerit plerique demi-  
 randi viſum, ut dictum eſt, literatiſſimum poëtae  
 in eo fuiſſe ſtudio, ut doctrina claros homines a  
 Rege procul arceret.

VII. Sed adverſante ab initio fortuna frangi ani-  
 mus ei nunquam potuit, quin laudis ſtudia, & li-  
 terati nominis abjiceret; etſi libri ſine ullo prin-  
 cipis

cipis honestamento nominis, uti solet, in publicum dati sint an. MDCC LXI. Atque ab eo tempore; praeter Regii nominis dignitatem, quam nequirit in-  
dipiscere, omne aliud ornamentum neglexit libro-  
rum, quotquot inde foras emisit, in fronte retine-  
re. Interea famae, ac fortunae forensi velificare am-  
plius, ad quam multae initae ab eo Magistratuum  
praecipuorum amicitiae, sicut Fraggiannii, Turit-  
ti Ducis Caravitaе, Castelli sui, Dominici Mar-  
chionis Caraccioli, nunc singulari virtute in Siciliae  
Regno regias gerentis vices, aliorumque in civi-  
tate primorum. Sed importunum Fraggiannii funus,  
biennio post, ad *Orationem* scribendam eum adegit,  
cum qua grati animi significationem palam faceret.  
Atque ea, quotquot in urbe florerent, doctis viris in-  
citamento fuit, ut carminibus doctrinam, fidem,  
justitiam viri concelebrent, quae in unum veluti  
corpus cum Oratione sua redacta, librum constitue-  
runt lectu jucundissimum. Hic nitidis etiam typis  
sua cura editus est an. MDCC LXIII. Adeo is amici-  
tiae vinculis obstrictus liberali in eam animo exar-  
sit.

VIII. Quam ob causam etiam, atque etiam  
inclarescere, summosque apud civitatis viros majori  
laude increbescere coepit adeo, ut praedicari apud  
Carolus Demarco alium a Secretis Regis, multum-  
que de integritate morum, doctrina, ac fide collau-  
dari, in sperato etiam, ei successerit. Atque hic est  
Marchio Carolus Demarco tantae sapientiae, ac ju-  
stitiae nomine celebratus, omni civium ordini in  
tanto dignitatis fastigio, sine exemplo fortasse, ca-  
rus; qui cum olim in vitae discrimen venisset,  
publicis privatisque initis supplicationibus, miracu-  
lo fere est in vitam revocatus: idemque multo fa-  
vore



vore constantissime prosecutus est doctos, literatosque homines Foro in primis addictos; unde non paucos inter Sacri Scrip̃ii Libellenses accivit. Itaque statim, singulari laudis accessione facta, ad eam dignitatem Maximil. Regio nomine vocatus est an. MDCCCLXIV. Ad quam invitus principio accessit eo, quod insitae diurnae, nocturnaeque scriptionis molestiae essent, lectionis aequae inficetissimae libellorum tamquam imbrium in dies confluentium (per quos de vi, furto, invidiis, usurpationibus, injuriisque omne genus aliis ad Regem deferatur); nil aliud pertimescens, quam a contemplatione philosophiae, atque ab incohato cursu gloriae semoveri. Nihilominus, utur ei licebat, spatium horae ad reliquas pertractati juris partes excolendas, quas nullo modo editione illa librorum suorum quiverat comprehendere tamen surripiebat.

IX. Sed jam nova sanguinis excreatione confistatus ab his studiis tantisper se continuit, nec tamen a sui muneris officio unquam destitit: praecipua cura, ac diligentia ad id servatis medicorum praeceptis. Exinde vero, ut valetudine denuo constitit, quam promisit, partem aliam iurisprudentiae naturalis variis dispartitam diatribis persolvit. Eaque agmen duxit, quae *de generibus vis publicae, privataeque* inscribitur; continetque commentarium fere legum Iuliarum, consilii plenum, & gravitatis. In ea igitur de jure belli cum certa; tum dubia de causa inferendi agit, ac de illo, per quod quisque eo in loco continere se possit, unde neutrius bellantium partis studio addici velit, neve teneatur; item de obsidibus, captivisque; postremo vero de singulari certamine, quod Itali *duellum* vocant: denique de privati hominis defensione. Sta-

timque adiecit aliam *de Officio Iudicis* disceptationem non minus brevitate quam perspicuitate praestantem; quibus ingenii dotibus dicendo, scribendoque mirum in modum sui temporis omnes anteciperit. Qui quidem libri a doctis tanta laudis opinione domi, forisque excepti sunt, ut, quo communi eorum desiderio fieret satis, denuo recudi opus fuerit.

X. Nec tamen his sibi satisfecisse visus est; namque, ut in privata vita fere omne suum tempus amicorum temporibus transmittendum putavit, sic scribendo, edocendoque Reipublicae bono unice studere animum intendit. Quod est plane indicium liberalitatis item, ac magnanimitatis. Et quoniam in libris *de Iustit. natural.* abunde docuerat eos esse jurisperitos, quibus reipublicae disciplina, & morum quasi virga censoria, concredita sit; eosque unos, quos (ut olim augures, haruspices, pontificesque) in moderando imperio Reges oporteat opportune monere: ideo id sibi, pro sua studiorum ratione, praeter ullius offensam, arbitratus est non dedecere, si regulas conscriberet de principatu modestia, temperantiaque plenas. Ad easque viam munire posse putavit alicujus fortissimi, ac sapientissimi inter nostros regis exemplum; quam ob causam, quia videbatur Roberti Regis olim Neapolitanorum, Andegavenfis vita a nostris, atque externarum pariter historiarum scriptoribus haud, qua par erat, fide, nec pro incredibili optimi principis virtute descripta esse, variisque praeterea libris dicta, factaque ejus dispersa, nil opportunius fieri posse duxit, quam in unum omnia colligere: non sine iis thesibus, quae & politicae sunt, & temporum horum. Itaque commentarium Ita-

Ita-

Italice annalium forma, accurata quidem supputatione, scripsit de *Roberti Rebus gestis* magnae utilitatis, in quo instar Regiae virtutis inesset; unde ei praecepta de Officio Principis plane, dilucideque essent deducenda.

XI. In eo illud non est silentio praetereundum, quod de nostris antiquitatibus originem magistratuum, aliarumque dignitatum, quae pro temporum vice, re quidem intacta, diverso tamen nomine donata sunt, elucidaverit. Ibique de origine ac dignitate Sacri Scrinii Libellensium, quod munus tunc idem exercebat, quam multa docet aequae, atque in libris de *Iust. nat.* de Iurisconsultorum munere fecisse ostendimus. Ut certo scias exemplo ejus, nisi tu tuum tibi vindices, neminem esse, qui libenter, ac pro ratione, illud tribuere tibi velit; pariterque tantum decoris in rebus, muneribusque inesse, quantum eis propria virtute concedas, & pro rei veritate propugnes. Atque id fortasse in causa fuit, cur is de more oppressus invidia, nequirit iam typis omnimode excusum ab an. MDCLXX. librum luci tradere, atque in vulgus edere; qui, ramen nunc prostat venalis. Neque alia de re, quam adumbraverat de principatu librum alium, deductis a Roberti rebus gestis iis regulis, quae locorum, populorumque hujus regni rationibus accommodata essent, publicae lucis usura interdictus est. Incertum respuenti Tanusio tribuendum hoc sit an ali (ut rumor exiit eo tempore inter civis), cujus judicio in his rebus, & consuetudine quam familiarissime utebatur ille.

XII. Quare nominis defensionem sui, credo; eum suscipere voluisse, quae bono viro, doctoque patebat, cum scriberet de *Honoris Iuribus* opusculum

lum, pari quoque laude a doctis exceptum. an. MDCCCLXXIII. In quo videtur idem illud uberius explicare argumentum, quod in fine lib. III. *de Iust. nat.* attrigerat; quo loci de ferenda, ac retribuenda aestimatione, famaue civili documenta quaedam carptim tradere studuit. Hic igitur ea habes gravi homine digna, atque ad veterum, recentiorumque philosophorum mentem, quibus haeresi nobilium vulgari pro moderatione iusti, sapientisque viri adversetur; nec minus ferocienti eorum dementiae, qui in civitate munera exercent praecipua, ideoque omnia se scire profitentur. Namque hi saepe ad illustres, popularesque laudes suas, omnes etiam minus notas aliorum minisque pervulgatas, quasi jure suo, sibi volunt adjungere. Praeterea in hoc libro invenies plurima historiarum maxime externarum lestissima, quae ad rem optime faciunt, praeter ea, quae ab antiquitate deduxit: multaque alia scite animadversa ad damnandos nostrorum mores, quos invaluisse jamdiu, citra rectae rationis normam, cum bonis dolemus.

XIII. Interea vero mira animi constantia usus ipse, qui prae vulgari gloria, una Regis institutione (cujus ad summam indolem accedebat tunc literarum disciplina) populos ad exoptitam omnino felicitatem perducere exoptaverat; quo se magis a Rege propulsari novit, sic novo semper virtutis momento propius accedere contendebat. Quod accidit infecutis temporibus, scriptis italice *Orationibus ad Ferdinandum IV. Regem Neap.* ejusque Conjugem suavissimam *M. Carolinam Reginam N.* quae vere corculum, ac deliciae Neapolitanae gentis dici potest. In his multa de imperii ratione ad normam philosophorum magis, quam politicorum concin-

cinnata, aliquo velut involucro testa, diffundit; praeter inusitatam in eos, quam ostendit, caritatem. Quare illud inopportunitum meminisse non existimo, eum adeo Regum nostrorum gloriae studiosum vitam vixisse, praesertimque Austriacae domus famae cupidum, ut non in terra Italia natus videretur; sed eas inter gentes, quae superstitione aliqua reges colunt, eosque benevolentia prorsus incredibili profecuntur.

XIV. Nil mirum igitur, si postquam Reginae munificentissimae coepit innotescere, ac per amicos optimos apud eam multis virtutibus celebrari, tantae Dominae patrociniū mereretur. Quo factum est, ut cum inter Sacri Scrinii Libellenses, qui ceteris praeerat, ad novam dignitatem eveetus loco cessisset suo; ipse nonnullos temporis praerogativa sibi anteferendos, inscius omnino, superarit. Ad quam rem potentiorum ex amicis suffragium nullum adhibuisse testes sumus, ut nullo modo unquam de ambitu criminandus sit; sed acceptum referre debuerit virtuti suae, virtutisque nomini. Namque eum priva liberalitate ductus Tanusius, qui cum nulla unquam intercesserat amicitia, in conspectu Regis extulit, summisque laudibus cummulavit; quod vulgatum tunc inter omnes fuit, nec sine tanti beneficii, & celebrati viri nominis invidia praeteriri posset. Verum id eo plane puncto temporis accidit, quo moestissimus ipse immaturam desleret cubicularii sui, hominis fidelissimi, mortem. Quare rerum humanarum pertaesus potius, quam novae dignitatis laetitia perfusus, ad scribendam incitatus est *Panegyricam de veritate, & encomio Religionis Christianae Orationem* diffusam quidem, pientissimamque ad an. MDCCCLXXVI. quae non

non multo post praelis denuo subacta est. Hac Oratione, dicere solebat, finem scribendi jam fecisse, calanumque, qua erat in Deum pietate, Deo opt. max. extremum suspendisse.

XV. Dum haec ab eo herent, multaue alia in exercendo munere, ut pote, a quo summa religio adhiberetur, ne Regis scita ante tempus palam fieri possent; interea Rex providentissimus Algerino bello, ac navali peritia celeberrimum Equitem Io: Baptistam Aston ex Hetruria, ubi maritimis imperaverat copiis, magno cum honore accessivit. Eique, ut Regiae classis collapsam instauraret disciplinam, atque ad exemplum Borboniarum, Gallicae nimirum, & Hispanicae, florentissimarum suam instrueret, a principio mandavit. Deinde a Secretis eum esse voluit, ut omnia, quae ad Regni litora, mareque ab incursionibus barbarorum muniendum pertinerent, unus supremo curaret arbitrio. Hic multa per annum meditatus, quod advena esset, ignarusque locorum, atque hominum, armorum, praesidiorumque, postquam exploravit omnia, immutatis aliis, aliis vero in meliorem ordinem redactis, novam navarchorum, trierarchorum, militum, ac navalium sociorum politiam instituit. Reliquum erat, ut classi providendae, iurique inter classarios dicundo, dexteritate, atque integritate spectatum virum aliquem feligeret. Huic igitur muneri, Regio nomine, Maximilianum Murenarum renunciavit an. MDCCLXXVIII.

XVI. Quo facto, si semper aliis in rebus bonorum laudes, Regiamque probationem cumulate retulit cumulatissimam tum meruit, cum virum prudentia, fide, iustitia, quanta quanta maxima praeditum (cujusmodi rei cariorem in dies annonam ubi-

ubique locorum, & gentium querimur) opportunissime expiscatus est; ac remotis Tribunis militum, quos ad hanc dignitatem promoveri usu invaluerat, Iurisperitum potius accivit. Sed non ita illis visum est, neque probari potuit, qui longa consuetudine moti usurpatum sibi munus rati sunt; veterique invidentia, atque odio in togatos homines abrepti literatum sibi praepositum esse virum aegro primum, deinde iniquo nimis animo tulerunt. Et, quod perridiculum magis est, ineptum ad id munus quemque praedicabant, qui non item miles, sive a classis rationibus per longam aetatem antea non fuisset. Quasi arcana ea scientia esset, de qua agebatur, & quasi non ea sit ubique ratio ingenuarum artium, ac literarum, ut, ubi idoneo suscipiantur ingenio, mirum quam versatile illud, ac docile efficiant, quantoque imbuant consilio. Verum haec dum ab aliis per insipientiam mussitantur, ab aliis non sine invidentis animi ferocitate diffamantur; interea ipse domum oblatas opes ingentiaque dona a multis delata, ut anteipsum solerat, constanti animo, nec sine humanitate rejiciebat.

XVII. Deinde explorare, circumagere, praefese omnibus, invigilare, quo omnia sui muneris officia impleret; ne quid per imprudentiam auderet, committeretve aliis faciendum praeter instituta, aut contra rationem; tandemque ut, ne quid detrimenti res Regia pateretur, provideret. Item, ut classariis, naviculatoribus, mercatoribus, sociisque navalibus, quos inter jus diceret, inviolata fide, ac iustitia singulari praesto esset. Quae nempe omnia, quantum ego conjicio, iis, qui a magnis ausis magno in vulgus animo efferuntur, cum minimi haberi, &

& debitis fraudari honoribus posse persuaferunt : Quasi is, qui non externo muneris honore caperetur, dignitatem sibi creditam vel contumelia affici, vel solita, ac debita laude spoliari otiosus pateretur. Quare ei mandatos honores denegare navalis militiae primores, & duces coeperunt. Sed perperam; nulloque item consilio factum, quando temperantiam, frugique hominis virtutem, cum sui vilitate, atque ignavia componi posse arbitrati sunt. Contra is justam nominis famam, decretosque sibi tribui honores a navarchis praecipue, & trierarchis, copiarumque navalium ducibus & contendit, & decreto Regis obtinuit; eosque, quoad vixit, constantissime omnino retinuit. Donec anno fere post, cum ejus inspecta virtus cunctis fuisset, maxime vero, sine exemplo humanitas, ab iis etiam amari, & complecti vidimus; a quibus per invidiam, impudentiamque magnum adhuc invidiae bellum sustinuerat.

XVIII. Post haec, postque exantlatos nimios labores, valetudine aliquando adversa, quod multas noctes insomnes duceret, conficari necesse fuit. Deinde dolore capitis in nervorum compage, non sine febris laborare, quae cum lectulo jacere primum adegit. Vix tamen morbo superato, a Rege sancitum audivimus, ut ad lites, controversias, capitalesque pariter causas inter eos dijudicandas, qui quoquo modo classi inservirent, Senatus constitueretur e selectioribus magistratibus, jurisconsultis, atque exercitus primoribus; cui, cum Praefecto Rei Maritimae, ipse a Secretis Regis Eques Aetion interesset. Sed haec res non venit ad finem. Praeterea mandatum a Rege est, ut illius Senatus veluti particula aliquando congregaretur, ea praefertim



sertim de causa ; ut Quaestoris Regiae classis rationibus referendis , iudicioque ejus codicis accepti , & expensi ( a xxx. & amplius annis inuisi ) locus esset ; quod ea res magnopere urgeret. Ad hunc itaque novum constituendum senatum is, cum Angelo Granito Marchione *Reg. Camerae Summariae* Praefide , aliique minoris subfellii viri , qui a Fiscalibus rationibus supputandis nomen acceperunt , designati sunt ann. MDCCCLXXX. quibus ut , pro arbitrio , idem stata tempora ad conveniendum , iisdemque & privatam curiam ut indiceret , a Rege statutum. Tunc maxime factum est, ut is, pro animi moderatione , qua nihil antiquius habuit , veteri amicitiae, ab ineunte aetate cum Granito susceptae, quo aliquid daret, domum illius curiam decreverit , eidemque libens primas concesserit.

XIX. At non ita recte modestiam viri , qui pedaneus fuit *Reg. Cam. Summ.* senatus acceperunt ; ob eamque causam, puto, immerentem honoris, inferiorisque eum ordinis rati , eidem in subscribendis decretis inum debere locum relinqui contendebant. Quod nullo eum modo pati posse, si dignitatis famam pro aequo, ac bono tutam esse veller, omnes boni consentientes adfirmarunt. Qua re quaesita , ac multum per eos disputata , quia ad Regem referre , nescio quae sophismata ( ut Murena scriptum reliquit ) ausi sunt ; consilio Equitis Asto- nis prudentissimo , ipse Praefectus Rei Maritimae, Praefes etiam *Reg. Cam. Summ.* die 11. Aug. ejusdem anni a Rege creatus est : ea mente, ut modo positus de praeceminentia inter collegas disputationibus cuncta rite, recteque procederent. Verum neque id consilii satis esse ad invidiae pestem, & si-

G

mul.

multatis artificium tollendum exitus probavit. Namque, ut idem novo magistratu auctus est, novae simul controversiae oriri de loco, & gradus differētiis; ab magnis, superbissimisque animis disputari coeptum non tam a pedaneis, ut dictum est, illius senatus, quam a Praesidibus etiam adversus eum, quem parem, & collegam Rex modo salutarat. Hinc saepe in scriptis inique de eo ad Regem referre; saepe declamare, atque accusare coram Equite Astone; disseminare multa in Foro; conviciari quoque: quasi privato nomini studens, ambitione elatus puerili Regia negotia vir optimus posthaberet.

XX. Itaque ad omnia haec is, quam firmissima opponere argumenta, quae in scriptis retulit ad Equitem Astonem. Neque aliud ei magis curae fuit, quam apertissimis ostendere rationibus, ab homine personam esse sejungendam; ut, quae muneris essent Regii, nemo hominum cum seipso confunderet. Nam ex quo Regi N. cordi infederat Praefecti Rei Maritimae dignitatem Gallicae praefectim classis instituto, ac regulis esse metiendam; late patens erat multa potius addi laudis, atque honoris posse, quam adimi ulla unquam ratione quirent: ut omitteret alia curiarum exempla, in quibus antea nullo magistratu insignes magistratibus spectatissimis Rex idem praefecerat; sicuti Curiae olim accidit, quae *Fundi Separationis* dicebatur. Sed jam optimus Eques Aston, ut nervos omnes disputationis injuriosae tandem incideret, ab Rege mandatum impetravit, quo novus senatus ad videndas Quaestoris Regiae classis rationes cum Praesidibus *Reg. Cam. Sum.* eo loci haberetur, ubi is ad classē negotia expediret. Idemque, ut primus

mus omnium in Regia domo assideret, Regioque nomine summis honoribus ab accedentibus quibuscumque magistratibus donandus esset. Quod die XXI. Jul. ejus anni, prolato Regio codicillo, sancitum fuit. Ceterum cum alia multa majoris, utique momenti in dies insurgerent ad classem spectantia, in causa fuere, cur senatus, de quo tanta inter pares discrepatio fuit, omnino siluerit.

XXI. Ad haec morbus, de quo diximus, in eo recruduit, per quem capite acriter laborare, spiritu ad omnem motum deficere, febrique ardentissima torqueri coepit; adeo, ut per dies aliquot de ejus vita desperatum a medicis sit. Verum ab amicis, quorum nunquam alia meliori turba stipatus optimus quisquam in civitate est, nihil cessatum, ut opportunis medicinis morbum ingruentem illico propellerent, ejusque primos impetus in tempore retunderent. Donec medicamentorum virtuti, & amicorum diligentiae virus aliquanto, ut apparebat, cessit; nec tamen liberum corpus liquit, etsi longa rusticatione adhibita; ubi ad animi oblectationem quam saepissime amicos convivio excipiebat. At, quae omnia susque, deque agit, mors dolere visa est, vindictamque brevi parare infestiorē. Nam ad VI. mens. tanquam ex insidiis, tam violenter aggressa est eum, ut brevissimo xxxvi. horarum spatio, nec ad deliberandum temporis copiam fecerit, neque ad medelam renovandam; namq. coalescens statim sanguis in eo computruit. Atque ita ex amicorum ulnis raptus est homo beneficentissimus, qui (si qua divinae mentis conjectura est) ad laudis, ac potentiae culmen pervenire debuit; ut bonos, literatosque viros Regio favore muniret, defenderetque ab injuriis, praesertim fortunae, de more, iniquissimae.

Elatus est, sine pompa, sodalitio Regio ducente funus, quod S. Aloysii ad Palatium dicitur, in cuius sacello fuit sepultus die 11. Jul. an. MDCLXXXI.

XXII. Nunc de doctrina ejus, librisque latum a doctis iudicium pauca addere opus est. Is, ut Lamius ait in Ephemeridis literariis, illa usus est indiligentia in scribendo, quam, qui vere philosophi existerint, plerumque usurparunt. Cum enim omnis cognitio multis sit obstricta difficultatibus, eaque sit & in ipsis rebus obscuritas, & in iudiciis nostris infirmitas (teste Tullio), ut non sine causa & doctissimi, & antiquissimi invenire se posse, quod cuperent, diffisi sint; evenit inde, ut qui exquirendi studio defatigati sunt, concitatoque gradu ad veritatem abripiuntur vix, aut ne vix quidem, continere se possint in expoliendis rebus, adhibendoque, cum aliquo verborum delectu eas dicendi regulas, quae metiantur argumenta, rationesque animo velociter perceptas cum verbis ipsis. Satisque, & abunde factum ab eis, si aliquo modo verba ad intima sensa animi referant, ac scribendo eliciant, & tanquam exprimant aliquid, quod aut verum sit, aut vero quam proxime accedat.

XXIII. Sunt tamen, qui affirmant eum plus etiam profiteri solitum se scire, quam sciret: quod ad artem referunt quandam. Sed eam nemo est, meo quidem iudicio, si existeret, qui eam tenere nollet, praeter unum sapientem. Verum isti nec cogitant tales esse, & profiteri de se multa fidenter posse eos, quorum multa vis virtutis, atque ingenii peregrinata abest a libris, civiumque ab oculis; nisi prius in administratione reipublicae, atque in bene, fideliterque tractandis negotiis publicis se explicet: eamque animo metiri licet eisdem ipsis, qui,

qui, ut ille ait, vulcanum in cornu ferunt, sibi-  
que lucent. Contra sunt, qui ei vitio vertunt, si  
quid aptius, meliusque ad jurisprudentiae naturalis  
disciplinam in scriptis retulit, id a Transalpinis ju-  
ris publici auctoribus esse mutuatum. Sed hi prorsus  
ignorant bonarum artium altricem Italiam de  
uno Legum Rom. fonte aequae sibi, ac illis funda-  
menta cujuscumque juris suppeditasse; ut a rivis dedu-  
cere necesse non fuerit, quod ab ultima origine deriva-  
tum fuit: etsi non iverim inficias, novorum lectione li-  
brorum, per quos naturae, & gentium jus maximopere  
est auctum, multum profecisse, ut is suo loco profite-  
tur. Ceterum libri ejus, quotquot edidit, id ostendunt,  
eum, ut antea dictum fuit, ad utilitatem justitiae  
defensandae, lectoribusque proponendae, quaecumque  
scripserit, eadem ad aetatis, & loci exigentiam  
aptare studuisse. Quod est ad veram laudem litera-  
ti nominis, haud vero ad popularem auram cap-  
tandam, scribendi consilium inire. De his cum  
brevis elogio morum, & integritatis ejus, habes ro-  
mano ore scriptam ad eum epistolam Dominici Ca-  
sari r. c. Bituntini, qui in ejus amicitia fuisse  
gloriatur.

XXIV. Ceteras animi dotes quid moror, cum  
sint etiam adhuc sui nominis invidi, a quibus post-  
quam invideri ei non juvat, in caelum tollantur?  
Fuit enim domi castus, gravis, perpetuo innocens,  
in tempore pro facultatum suarum modulo libera-  
lis. Fundos non raro divendidit, ut debitum suo  
muneri decus tum victus splendore, cum abstin-  
entia conciliaret. Foris autem imperii diligens, ser-  
vandaeque tenax disciplinae, vindexque acerrimus,  
si quis labefactaret. Ea justitia insuper, ac fide, ut ne-  
mo unus in civitate eum anteciret, pauci pares pu-  
tare.

tarentur. Tandem, cum comitate, miram dignitatis gravitatem temperare usque consuevit. Nam, etsi divina prope constantia oppugnatum semper retinuit decorum, par tamen summis, facilis infimis evasit; ut ab his etiam diligi obtineret, qui estimatione hominis non recta ad eum accesserint; nam bene aestimantes semper discesserunt. Ego vero hic duo afferam, quae nemo queat inficiari, ex quibus apparebit qualis, quotusque vir fuerit Maximilianus Murena.

XXV. Cum ejus cubicularius, quem domi puerum aluerat, cujusque operam fidelem apprime, & amoris plenam expertus fuerat, acerbo fato cessisset, superstitum curam liberorum, ut suorum, suscepit. Deinde, biennio ante obitum, ut qui nunquam maritali lectulo gavisus fuerat, sui prole geniem nominis extingui libens patiebatur, testamento eos haeredes, cum matre sua optima, non minus generosa, ac liberali femina, nominavit. Aliquando vero, cum indignantis Regis vindictam in offensorem suae dignitatis, Reginumque mandatorum imminere exploraverit, precibus, ac consilio suo perfecit, ut adhortatione tantum humanissima ejus, qui Regis a Secretis est, in posterum ne peccaret ille cautum esset. Atque interrogatus, quare adversarii coercionem prohiberet, dum alii saepe nominis, quod perosi sunt, vilitatem avidè exquirunt; se esse contentum, respondit, si quisque in dignitate abstinenter deinceps, sine tamen famae detrimento, Regiis obtemperaret mandatis. Nam opportunam eam esse poenam non arbitrabatur, quae apud plebeculam vilescere faciat nomen hominis perinde, ac dignitatis; ex quo plerumque occasio fit rudibus, improbatisque hominibus, qui infra sunt,

sunt, ut perturbatis ordinibus facile obsequium denegent suum.

XXVI. Amicos habuit de literatis viris prae-  
cipuos. Novit fere omnes, qui in urbe essent; ex-  
ternos etiam quamplures. Inter alios adamavit a-  
juris universi, ac diplomaticae scientiae doctrina  
spectantissimum Dominicum Alphenum Varium; qui  
in coetibus Wilzeckianis, ubi meliores intervenirent,  
primas fere habuit, demeruitque maximi, sine exem-  
plo viri, tunc Caesaris ad RR. NN. Oratoris gra-  
tiam: quare in Ticinensem Academiam ad jus publi-  
cum edocendum, atque ad patriae nostrae decus opti-  
mum, Caesareo nomine, vocatus est. De aliis super-  
vacaneum est dicere, quod longa res esset. Juvat  
tamen de Foro, quibuscum conjunctissime vixit,  
duos nominare Dominicum Cosmum r. c. candore  
animi, & juris peritia clarum; itemque Nicol. Eu-  
gen. Angelium eruditione summa, atque elegantia  
cum morum, tum doctrinae insignem: qui dein-  
de Regio nomine inter Sacri Scrinii Libellenses  
adscitus est. Denique ex primo Civium ordine se-  
ligam nobilium par aequae, ac multa virtute cele-  
bratorum Equitem Innocentium Pignatellum, ac  
Franc. e Marani Principibus, Caracciolum, quos  
obsequio perinde, ac amore constantissime est pro-  
secutus.

XXVII. Praeterea domi fuit tanta usus tem-  
perantia, tantaque modestia, ut debitos plerumque  
honores respuere videretur; saltem verecundus pati,  
quos, si liceret, remisisset. Miseratione insuper  
tanta, cum de egestate, atque inopia aliena sermo  
esset, ut ad aegritudinem animi saepe victus disces-  
serit, & cohibere lacrymas interdum nequiret. Pos-  
tremo foris is fuit Maximil. Murena, qui si glo-  
riae

rae studio, si dignitatum splendore captus unquam exitit, haec ipsa in merentium, bonorumque commodum verteret; quorum gratia, dicere solebat, unice expetendas esse opes sapienti viro, proboque, unice dignitates conquirendas, quo homo homini Deum valeret se praestare. Ita nulla res tam ardua, nullum tam importunum unquam negotium fuit, quod pro amicis, necessariisque agere non susciperet. Nam per quam magnis, & honestis in rebus multum ejus animus in se fiduciae cum certa spe collocavit: ut, si cum poeta, in caelum ire jussisses, magnitudine etiam animi confidenter impertentasset. Ut omittam, quas cum aulicorum aliquo, nobilibusque viris aggredi contentiones non recusaverit, quò tuendo saepe juri vilis etiam hominis occurreret, humanitati unice opitulaturus. Itaque non immerito liberali specie natura factus: colore nitido: oculis ad hilaritatem, cum decencia compositis: nullo supercilio gravis: nulla gestiensis laetitiae admixtione jucundus. Ut, qui desiderio tam cari capitis tenemur, jure nostro inscribendum sepulcro dederimus, quod ab antiquitate ultima proverbio increbuit:

HEU! QUANDO SECVLA DABVNT PAREM:

VA1  
15.14.984